

اللقاء) 10 (| #داود_أعبد_البشر | د. حازم شومان

حازم شومان

الامر كله. اللهم صلي على عبدك ونبيك محمد صلى الله عليه وسلم. في الاولين والآخرين وفي كل وقت وحين. اما بعد. داود عبد البشر. داود عبد البشر هنبدأ باذن الله سبحانه وتعالى الان سلسلة من اربع مرات بس باذن الله سبحانه وتعالى عن سيدنا داود وعن هذا الامام اشمعنى السلسلة دلوقتي - 00:00:00

لان لسه تلات تيام على عشر ذي الحجة. وعشر ذي الحجة باذن الله سبحانه وتعالى. ده عيد الذكريات والذاكريات. دي العيد السنوي لاهل الذكر. العيد الموسم السنوي للحياة مع الافراح كلها مع ذكر الله. لان ما فيش حاجة هتملى قلبك بالفرح قد ذكر الله سبحانه وتعالى. ولا حاجة هتملى قلبك بالامل قد - 00:00:40

ذكر الله سبحانه وتعالى. طب اشمعنى داود في قبل عشر ذي الحجة؟ لان داود امام البشرية في الذكر اصلا. كما صح عن النبي صلى الله عليه وسلم كان داود عبد البشر. كان داود عبد البشر. عبد البشر كان سيدنا داود عليه الصلاة والسلام. سيدنا داود دا امام. امام - 00:01:00

ام البشرية في الذكر؟ طبعا بعد حبيب الله محمد عليه الصلاة والسلام. امام البشرية في الذكر فالانسان اللي عايز يعرف يعني ايه عشر ذي الحجة لازم يعرف منه سيدنا داود الانسان اللي عايز يتعلم ذكر لازم يعرف مين هو سيدنا داود. سيدنا داود الواحد متھیب ان هو يتكلم عنه. متھیب ان هو يتكلم عن - 00:01:20

الشخصية الجبارۃ التي يعني لا يستطيع احد ان يتكلم عن معاني ايات سيدنا داود. اسأل الله ان يعني يهدى قلوبنا وان يسدد انا واسأل الله ان يشرح لنا صدورنا وان ييسر لنا امورنا. وان يطلق السنننا في الحق انه ولی ذلك وال قادر عليه. النقطة الاولانية بس - 00:01:40

يا جماعة لماذا داود؟ داود كان امام للبشرية في المشاعر المشاعر والقلب وحب الله. زي ما هناخد باذن الله وتعالى غدا باذن الله ده شيء زكي. داود وحب الله. قلب داود. القلب بتاع سيدنا داود عشان كده لما سيدنا ادم عرضت عليه ذريته - 00:02:00

كلها تخيل بقى كم تلتميت ربعمية مليار واحد ا تعرضوا على سيدنا النبي؟ تلتمية ربعمية. تخيل انت لو ا تعرض عليك اهل مصر تبص كده تقول هو فلان وشه منور بين الميت مليون ازاي! انت يعني ايه يعني واحد من وسط مية مليون يلفتكم نور وشه! طب تخيل لو عرض عليك اهل الكرة الارضية سبعة مليار - 00:02:20

قلت ايه ده! هو ده منور دون عن السبعة مليار ازاي؟ سيدنا ادم من التلتميت ربعمية مليار انسان في ذريته لفت نظره نور داود عليه الصلاة والسلام فقال من هذا يا رب؟ فقال عبد من ذريتك اسمه داود قال كم عمره يا رب؟ قال ستون - 00:02:40

ادم كان عمره الف عام. فوهب له ادم اربعون عاما من عمره. قال له يا رب ستين يا رب ابهه اربعين عاما من عمرى انت متخييل سيدنا ادم لفت نظره نور قلب داود من وسط التلتميت ربعمية مليار واحد تاني يبقى يمین - 00:03:00

ده! ايه قلب داود كان جواه حب لله! ده حتى كلمة داود لما ناخذ معناها بكرة ان شاء الله. يعني ايه داود؟ لانها على قولين. ما بين علماء اللغات بقى - 00:03:20

يعني ايه داود يا اخواننا؟ يعني ايه كلمة داود ودائما الآثار بتاعة سيدنا داود تلاقى فيها كمية مشاعر جبارۃ. وحب لله سبحانه وتعالى يبقى دي النقطة الاولانية لانه كان امام في حب الله والشوق الى الله ومشاعر القلب. النقطة الثانية لماذا داود؟ لانه كان امام

في الذكر - 00:03:30

والذكر ادى له قوة جباره في مواجهة الحياة. ادى له قوة. ذا الايدي انه اواب. بسبب او بسبب اوبته الى الله في الذكر الله اعطاه قوه
جباره في الحياة. فكان داود الذكر بتاعه كان زي ما ربنا بيقول يا جبال اوبي معا. من ضمن معاني اوبي زي ما هنادخ - 00:03:50
ان شاء الله بازن الله بقى بعد بكرة بقى المفروض ان اي رجعي معه بالصوت. يعني ايه؟ يعني ربنا كشف له الحجاب. انت دلوقتى
مش مكشوف عنك الحجاب انت شايف دي سجادة. انت مش شايفها عبد زيك قاعد يصلي ويسلام. مش هيبيقى ده عمود وده طوب
وده عربية وده سلم وده آلمبة ودي - 00:04:10

فيه مروحة انما لو ربنا كشف لك الحجاب وسمعت تسبيح الكائنات. ربنا كشف له الحجاب فسمع تسبيح كائن ميت عند الناس اللي هو
الجبال وكائن حي عند الناس ولكن اعجب اللي هو الطيور. فكشف له الحجاب فسمع تسبيح الكائنات بل كانت تسبح بتسبيحه. وتراجع
وراءه - 00:04:30

وانتم تخيل! انت تخيل يعني ايه اما تكتشف ان انت والكون بقيتوا على يعني موجة واحدة من الذكر وانت والكون بقيتوا حقيقة
واحدة بانك وهم عبيد لله. تسبحون وسمعت جار الجبال بالتسبيح. وسمعت بكاء الطيور من خشية الله - 00:04:50
انت تخيل يعني ايه والطير والطير محشورة؟ انت عارف يعني ايه انت تيجي تقعده في جلسة ضحي كده تلاقي الطيور بتاعة
الخمسين شارع اللي حوالينا والشجر بتاعهم ومليو المكان. ده منظر يخلع القلب يا اخوانا. يخلع قلب اللي قاعد ويخلع قلب اللي
بيتفرج. تخيل لما بيجي عشرين تلاتين الف طير كده ويقعدهوا بقى حواليك - 00:05:10

ده انت لو مش سامع تسبيهم بس جم بس مجرد انك تقعده في مكان خلوى وتسبح ايه ده! ايه المنظر ده! مين ده! امام للبشرية في
ذكرا الله وبالتالي في القيام والصيام والعبادة. زي ما ناخد. السبب الثالث - 00:05:30

لان داود كان امام في التكامل والتوازن. اللي زي ده يا جماعة دائما عبادة وافضل الصيام وافضل القيام سيدنا داود كان عنده
نمطين من العبادة زي ما ناخد الوقتي كان ورد العبادة بتاعه نوعين. الورد القليل انا هاقول لك الوقتي الورد القليل. مش الورد الكبير.
يعني كان - 00:05:47

في ايام بيعمل فيها الورد الكبير. الورد الصغير بقى اللي هو الايام اللي وراه جهاد. مشغول وراه تربية. وراه اسرته وراه تعليم الناس
وراه القضاء سيدنا داود كان منظم وقته زي كل الانبياء بالزيط. ولكن كل واحد بيبقى له نزام غير الثاني. اليوم بقى اللي العبادة
بتاعته صغيرة كان بيسبح بالعشري والاشراق - 00:06:07

يعني يقدر جلسة الضحي ربنا سماها اشراق ليه؟ لانه كان بيقدر لحد ما الشمس تطلع خالص. مش بيقدر لحد ما اه وهي لسه كده
شعاع كده كان له جلسة تسبيح ما بين الضهر والعصر والمغرب. وكان بيقوم تلت الليل وكان بيصوم يوم ويوم. دي اوراد العبادة
بتاعته في حالة ايه - 00:06:27

في اليوم العادي اليوم اللي مشغول فيه ده مش ده اليوم الثاني اللي اليوم العادي ده اللي ربنا وصفه في سورة ايه؟ صاد زي ما ناخد
الوقتي. اليوم الطويل بقى اللي ربنا - 00:06:46

اوصفوا في صورة سأيا يا جباله اوبى التأويب ان تسير الجبال ان تسير الابل من من الفجر الى المغرب بلا راحة. يبقى سيدنا داود كان
له ومن عبادة نزام عادي عادي. اللي هو انا النهاردة مشغول. فانا هاقعد بس ساعتين اول النهار. ذكر وساعتين اخر النهار ذكر -
00:06:56

وثلاث ساعات قيام ليل بس تلت الليل بس. وآآوصايم. ده اليوم العادي بتاع سيدنا داود. امال اليوم اللي مش عادي من الفجر
للمغرب تسبيح باستمرار. ربنا جاب العبادة دي في سورة وجاب العبادة دي في سورة. عبادة التأويل الجباره دي جابها في سورة سأيا
- 00:07:16

وجاب العطاءات المنهرة بعدها عطاءات خاصة. عبادة بالعشري والاشراق جابها في سورة صاد وجاب بعدها عطاءات تانية منهرة
سيدنا داود من اكتر الانبياء اللي ازا ذكروا في القرآن انهمرت العطاءات زي ما هنادخ الوقتي لأن المرة اللي بتاعة الاولانية ديت انا

اثرت ان انا ما اقفلت - 00:07:36

الثلاث زواهر قلنا لانه كان امام في حب الله ومشاعر القلب تجاه الله. آآ وبيصل النور بقى بين عينيه بقى ايه اللي لفت ادم. الحاجة الثانية كوابيس النور في قلبه. الحاجة الثانية انه كان امام في ذكر الله. يعني ايه امام في ذكر الله. لما كان يسبح من قوة بكاؤه في التسبيح. من قوة يقين - 00:07:56

في التسبيح من قوة مشاعره سيدنا ابو سعيد الخضري لما شاف رؤيا فيها ايه يا شيخ احمد؟ فيها انه يسجد عند شجرة لما الحديس سابت عن النبي عليه الصلاة والسلام فلما سجد الشجرة في الرؤية عملت ايه يا شيخ سعيد؟ عملت ايه؟ سجدت. الشجرة سجدت فيقول ابو سعيد للنبي عليه الصلاة والسلام فسمع - 00:08:16

يا رسول الله حديس رواه ابن عباس رضي الله عنه وارضاه. فيقول سمعتها رسول الله تقول اللهم اكتب لي بها اجرا وضاع عنى بها وزرا واجعلها لي عندك ذخرا. اسمع وقبلها مني كما قبلتها من عبدي. داود الشجرة - 00:08:36

عارفة داود الشجرة عارفة سجدة داود اللي سجدها في سورة صاد. لما ظن داود انما فتناه فاستغفر ربه هو ايه وقرأ راكعا راكعا هنا سجد. ولكن بروح الركوع اللي هو الخضوع لشرع الله. والرجوع عما يريد الى ما يريد الله. وقرر كان السجدة - 00:08:56
دي اشجار الكرة الارضية عارفها. السجدة دي الجبال والطيور عارفها. مين داود دا؟ اللي سجوده الشجر عارفة. طب ما الشجر يبقى عارف سجود الانبياء كلهم اشمعنى سجدة داود دي. السجدة دي في الاثار يقول سجد حتى نبت العشب على رأسه. من كتر ندمه وبكاؤه في هذا - 00:09:16

السجدة حينما احس انه ايه اذنب في حق الله ذنبا. عليه الصلاة والسلام. مين داود دا يا اخواننا؟ فده اللي من قوة قلبه في الذكر اللي بنقود بكاؤه من قوة زلزلة قلبه في الذكر وخشوعه الجبال والطيور سبحة معه. من داود السبب - 00:09:36

السبب الثالث في داود انه كان امام فيها يا شيخ محمد في التكامل والتوازن. الاولانية في المشاعر القلبية وحب الله. الثانية في الذكر والعبادة الثالثة امام في الايه؟ للبشرية في التكامل. يعني ايه في التكامل والتوازن؟ يعني لما النبي عليه الصلاة والسلام يقول لك يسر القرآن على داود. ايه هو القرآن - 00:09:56

الزبور القرآن بتاعه اللي هو الزبور. اه يسر القرآن على داود. حتى كان يقرأه يا شيخ ايها بينما ايه بينما يسرج له فرسه. يعني اما يدوروا لك العربية ويطوقها لك ويلمعها لك كده وينضف لك الكاوتش كده. تكون خطب المصحف - 00:10:16
دي اسمها ايه يا شيخ عمار؟ دي اسمها ايه؟ الله جزاكم الله خيرا جبتها منين؟ ما شاء الله اللهم بارك. ده انا اما عرفتها فرحت اوسي. دي اسمها البركة - 00:10:37

كان رهيبة في الوقت ان ربنا بارك لك في وقت بركة مزهلة. لدرجة ان انت في العشر دقائق دول انت ختمت ايه البركة دي! طيب النص الثاني من الحديس حد عارفه؟ ها عشان تعرف بقى النقطة الثالثة اللي هي امام للبشرية في ايه؟ وكان داود يأكل من عمل يده. لما - 00:10:47

النبي يجيب لك حاجتين جنب بعض. اعرف ان الاتنين لهم علاقة ببعض. ايه العلاقة بان يسر القرآن عليه؟ حتى كان يقرأه اللي هو الزبور يعني بينما يسر رجله فرسه وبين انه كان بيأكل من عمل ايده. انه مصمم هو اللي يستغل سيدنا داود كان ممكن ياخذ من خزانة الدولة دا ملك. دا قعد سبعين سنة ملك. دا هو مؤسس دولة اسرائيل اصلا - 00:11:07

عشان كده النجمة اللي عندهم حطينا دي نجمة ايه؟ داود. دا قصةبني اسرائيل كلهم نفسهم ملك تاني زي ملك داود. دا يقول لك لم يحزنوا وبعد موسى وهارون على احد الا على مسل ما حزنوا على داود. سيدنا داود دا مؤسس الدولة عندهم. وهو فاعل في الحق عليه الصلاة والسلام. ولكن على التوحيد - 00:11:27

الطبق مش على الباطل اللي هم فيه. فسيدنا داود دا حاجة جباره يعني زي ما هناخد الوقت كدا بازن الله سبحانه وتعالى حاجة مزهلة. طب لما سيدنا داود بقى كان ممكن ياخذ - 00:11:47
الدولة يا عم انا رئيس جمهورية اخد مرتبني. رفض. انا هاخد من شغلي انا هاخد من الشغل بتاعي. انا هنزل وھشتغل. هتشتغل ازاي؟

ده انتنبي ومربي وملك ومجاهد ومؤسس دولة وقاضي ومفتى - 00:11:57

ازاي يعني وعابد ونفسك تعبد بقى يا سلام على العابد اما حد يقول له هكفلك يا سلام! ايوه كده يا شفت فتوحات ربنا داود قال لا حدش هيصرف علي ولا على بيتي غيري. انا هاشتغل. ونزل يشتغل. ايه العلاقة بقى ما بين تيسير القرآن وما بين انه اشتغل من عمل ايده - 00:12:12

اول حاجة ان العبادة دايما العبد مش عايز يستغل. فالرسول جاب العبادة مع الایه ؟ مع الشغل الدنيوي مش دروشة يا حبيبي. عشان كده باقول لك ايه ؟ امام للبشرية في التكامل والتوازن. علاقة بين الدين والدنيا. ولسه هناخد بقى ان شاء الله بازن الله. دي المرة الثالثة اللي هي فجر الحد بازن الله سبحانه وتعالى. انا انا هامشي معكم - 00:12:33

اربع مرات زي ما اقول لكم بعد ما اخلص دي. ان شاء الله بازن الله. آآآ ولسه هناخد حاجات تانية في التوازن والتكامل بتاعة سيدنا داود في الدنيا. القصة الدنيوية بتاعة سيدنا داود عليه - 00:12:53

والسلام. العلاقة الثانية ان سبب البركة في الوقت المطعم الحال. او عى تفتكر ان العبادة والوصول لربنا عايز تفرق او عى تفتكر ان الدعوة عايزه تفرغ. او عى تفتكر انك عشان تبقى مجتهد متدين. مصابق منطلق انت عايز تفرغ. انت عايز بركة - 00:13:03
انت عايز بركة والبركة اهم سبب لها المطعم الحال. فلما داود اشتغل وتعب في المطعم الحال الله ييسر له الرزق وييسر له الدين يسر له الدنيا ويسر له الدين. خد الدين صح. بلاش تاخذ الدين على هواك وبمزاجك وتقدم نموذج مشوه. عشان كده سيدنا داود شخصيته عظيمة اصلا. دنيا - 00:13:24

قويا هو شخصية مزهلة دنيويا. لو ما اتكلمتش عنه غير كمحترع عسكري وقائد ومؤسس دولة ومدير دولة وآآآ وصاحب شخصية اجتماعية وانت هتزهل اصلا من شخصية سيدنا داود عليه الصلاة والسلام. هنتكلم ان شاء الله في السلسلة على اربع مرات. بازن الله - 00:13:44

من اول الفجر ده لحد فجر لحد بازن الله اللي هو اول فجر في عشر زي الحجة. بازن الله سبحانه وتعالى. ان شاء الله ان اذن الله ويسر. المرة الاولانية اه المرة - 00:14:04

الثانية اللي هي بكرة ان شاء الله هنتكلم عن داود اسطورة الحب او يعني داود امام البشرية في في الحب عن قلب داود. بكرة ان شاء الله المرة الثالثة دي المرة الثانية. المرة الثالثة ان شاء الله داود امام البشرية في الذكر والعبادة. دي نقطة بقى خطيرة جدا بالنسبة لها عشان عشر ذي الحجة - 00:14:14

الثالثة بازن الله داود امام البشرية في التكامل والتوازن. في العلاقة ما بين الدين والدنيا بقى وسيدنا داود ايه ؟ جوانب تانية غير العبادة. غير العبادة في حياته المرة الاولى اللي هي النهاردة ان شاء الله هنتكلم ربنا ادى له ايه ؟ ربنا ادى له ايه ؟ اللي عمل كل ده عشان اتشجع بقى وادخل بقى ايه - 00:14:34

انا قبل ما هقول لك التمن اللي هتدفعه هقول لك اللي انت هتاخده الاول. عارف لما اجي اقول لك بص يا باشا بقى انا جايب لك عروسة. ملك مال العالم بجد واحدة ملكة جمال عالم. وبص بقى اجمل ملمح في كل ملامحها هي اجمل ملمح في الدنيا. وعلى فكرة عندها سبعين مليار دولار. وعلى فكرة - 00:14:54

آآآ بنت ملك. وعلى فكرة وعلى في الاخر بقى ايه تعال بقى اما اقول لك بقى مش هتتجوزها ليه مش هيتجوزها ليه لو ربك الله وانت عارف ان ربك الله وتولاك هتتجوزها - 00:15:14

ملكة جمال العالم لا ومحدش شافها هي ملكة جمال الله قادر فانت يعني يعني فتخيل بقى انت بقى ايه اجي اقول لك بس استنى خد التمن بقى. فانا قبل ما اقول لك التمن في الثالثات مرات ان شاء الله اللي انت هتدفعه وتتعجب فيه. انا هاقول لك دلوقتني سيدنا داود خد ايه من ربنا؟ عليه الصلاة والسلام - 00:15:24

مازا اخز من رب العزة سبحانه وتعالى ؟ انواع طاعة الله ايه يا جماعة ؟ سيدنا داود زكر ثلاث مرات في القرآن اساسيين انا ما ليش دعوة بالذكر الاسم يعني. ذكر القصة ثلاث مرات حد يقدر يقولوا لي فين ؟ ثلاث مرات اللي ذكر قصة مطولة. المرة الاولى في سورة

البقرة وقتل داود ايه ؟ جالوت. البطل مقدام - 00:15:44

صاحب نصرة دين الله الشجاع. اللي عنده يقين في الله. اللي قال كم من فئة قليلة غلت فئة كثيرة بازن الله. اللي ما رضاش يشرب من النهر ابدا توكله على الله وقوه الهمة. في الاخر واتاه الله. شف بعد كل مرة اللي مرة اطاعه الله الایه ؟ الملك والحكمة. وعلمه مما يشاء. طب المرة الثانية - 00:16:04

ذكر في سورة سباء. زكر في سورة سباء عبادة عابد بقى. العبادة بتاعتته. عبادة التأویل اللي هي كان كل اربع ايام زي ما بيقول ابن كثير كده. ان له للعبادة مخصوص وبعد كده تلات تيام شغل. تلات تيام بقى للتربية وللجهاد ولادارة الدولة ولأسرته وللقضاء وللتعليم ويوم عبادة. اليوم العبادة ده اللي هو ايه - 00:16:24

اللي هو في الاثر بناء ابن كثير اللي هو يا جبال اوبي من الفجر للمغرب. ده يوم عبادة بقى تفرغ عليه الصلاة والسلام. فطيب ولما يا جبال اوبي ربنا عمل له ايه ؟ ولقد اتينا داود من داود لما يذكر انهار عطاءات. ولقد اتينا داود منا ايه ؟ فضلا - 00:16:44
يعني ايه فضل ؟ يعني ايه ربنا فضل على الدنيا ؟ داود ربنا ما سابش نفسه في حاجة ودي قصة خطيرة. انت في حاجة نفسك فيها ؟ محروم من حاجة ؟ اه محروم. نفسك - 00:17:01

تتجوز وما اتجوزتش وعايز فلوس وعايز تغير عريتك اللي عندها زروف صحية تعانة جدا وما انتش عارف تغيرها. ونفسك انك انت تنقل في شقة كبيرة وما نقلتش. وكان نفسك انك انت تبقى راجل لك دور كبير جدا في الدعوة. انت انت يا ابني غلبان يا ابني. انت ببقى انت نفسك في حاجات. انا نفسي في حاجات انا نفسي في حاجات كتير. ببقى في - 00:17:11
في عارف اللهم اعطانا ولا ايه ولا تحرمنا. ببقى انت ممكن يكون ربنا بيديك. انا لو قلت لك قل لي الحاجات اللي ربنا عملها لك انت ممكن تألف كتاب اصلا في الحاجات اللي ربنا عملها لك. ومع ذلك انت برضو عندك - 00:17:31

حاجات محروم منها. وحاجات نفسك فيها. فيه بقى معاملة اسمها معاملة بلا حساب. بلا حساب ببقى ازا فيه اربع انواع من المعاملة التي يعاملها الله للاولياء. المعاملة الاولى اسمها معاملة بلا اسباب. بلا اسباب زي سورة ايه - 00:17:43
على طول ما حدش يفكر اصلا. بلا اسباب زي سورة ايه يا نهار ابيض ! سبق ! بلا سبب زي سورة ايه ! مريم سورة مريم واحدة من غير زوج وبتختلف واحد المهدى ينطق واحد عنده تسعين سنة ومراته عاقر ويختلف واحد بلا اسباب. ما فيش اسباب اصلا ليه ؟ لأنهم عاملوا الله بلا اسباب - 00:18:03

بلا اسباب. بتشاء سبحانه وتعالى والا فقد قال لمريم وزليك. بجذع النخلة. ولكن يعني غالب المعاملة ربنا عاملهم بلا اسباب. ببقى ده نوع من انواع المعاملة. بلا اسباب ازاي ؟ لأنهم عاملوا الله بلا اسباب. ده فيه معاملة تانية اسمها بلا حساب. بلا حساب يعني ايه ؟ زي يعني - 00:18:27

هذا عطاونا فن او امسك بغير حزام. يعني ايه بلا حساب ؟ زي سيدنا داود كده. ربنا خلاه ملك. نفسك في ايه في الدنيا ؟ خليك ملك دولة ما انا ممكن ابقى ملك لان انا ابن ملك. ايه يعني ؟ ايه يعني العنتريه اللي انا عملتها يعني ؟ اي بطولة يعني ايه ان امسكت مدفعا ان تقتل فيلا ؟ هي ايه القصة يعني ان - 00:18:47

انما انا اللي اسس الدولة مؤسس دولة وملك وقائد جهاد. واتجوز بنت ملك. يعني مش بقى قاعد يلف ويدور وسفر عشر سنين عشان يتجوز بنت الرجل الطيب اللي وكلنا طيبين يعني ما كلنا على على باب الله. انما اتجوز بنت ملك بنت طارو. وربنا اداله - 00:19:07

كثير. كمان. اجمل نساء الدنيا كلهم. في الزواج. وربنا خلاه اعبد البشر في الدين. ونزل عليك تاب سماوي جديد. الزبور. كمان لا هو محرر فلسطين هم اللي حرروا فلسطين في تاريخ البشرية كلهم ده هم ثلاثة اربعة. اللي حرروا الصين في تاريخ البشرية زي سيدنا عمر ابن الخطاب كده. سيدنا داود من اللي حرروا فلسطين. وفي الفرد - 00:19:27

الفردوس الاعلى وان له عندنا لزلفي وحسن مقام. وادى له الزرية المزهله اللي واحد منها سيدنا سليمان. وادا له المال وادا له الملك وادا له وقف وخلافه مخترع عسكري. يعني ممكن كمان ابقى انا متدين يا جماعة انا داعية كبير وفصل الخطاب فصل الخطاب دا لاما

كان يدي خطبة. كل اللي قدامه يتوب - 00:19:47

الكل يتوب لمس كتاب للقلوب. يبقى داعية كبير. ومربي ونبي وجبريل بينزل له. وكمان مخترع عسكري كمان مخترع عسكري يعني واحد نوب! الله! يعني ازاي يعني! يعني شيخ آآ اكبر شيخ في الامة واحد نوب وجبريل بينزل له ومتجوز بنت -

00:20:07

ومتجوز اجمل نساء الارض واعبد البشر وربنا راضي عنه وفي الآخرة زلفة وحسن دي اسمها معاملة ايه بلا احزاب. ولما اجتهد ان ربنا يرزقه ربنا يعلمه صناعة الدروع. فكان يصنع الدرع في تلات اربع ساعات ويبيعه بالاف الدراهم - 00:20:27

تخيل انت كده انا هاشتغل النهاردة يا جماعة. اشتغل من الصبح لحد العصر كده وخد لي خمسين الف جنيه. اقعد لي عليهم خمس سنت شهور يا عم بقى في العبادة والتربية - 00:20:47

ومن عمل ايدي وهتصدق كمان وهبقى باشا. ومن عمل ايدي. عشان كده ربنا بيقول له وقدر في السرد. قدر في السرد بعد المفسرين قالوا معنى غريب جدا غير المعنى اللي احنا هنقوله ان شاء الله بازن الله لما نتكلم في الفترات الجاية. قال لك قدر في السرد او عني بقى اما افتح لك باب دنيا تقوم ايه دنيا بقى لأ قدر بقدر - 00:20:57

او عني تأفور على نفسك. يعني انت خارج تاخد الرزق عشان تكفى في الدين. مش رايح عشان تروح وما ترجعش. قدر في السر ما تسردهاش ورا بعضها وتابه وتلاقي الدنيا بازت منك. فلما ربنا يفتح لك باب او عني الفتح يشغلك عن الفتاح - 00:21:17

او عني النعمة تشغلك عن المنعم خدتوا بالكم او عني الفتح يشغلك عن سبب الفتح وجدور الفتح. فمعاني جباره اليها اشار احد المفسرين. فسيدنا داود فدي المعاملة الثانية اللي هي بلا حساب. تخيل انت لو ربنا عاملك بلا حساب. يعني ايه بلا حساب؟ يعني مش هيحرملك من حاجة. طب والمعاملة الثالثة؟ المعاملة الثالثة - 00:21:39

اسماء الولاية الكاملة اللي هي ولا يزال عبدي يتقارب الي بالتوافق حتى احبه. فإذا احبته كنت سمعة الذي يسمع به وبصر الذي ولسانه الذي يتكلم به وقلبه الذي يعقل به. ويدع دي في روایة مسنده ابي علي. ويده التي يبطش بها. ورجل التي يمشي بها - 00:22:02

هيخليلك مسدد الخطى. ولئن سألني لاعطين مستجاب الدعاء. ولان استعاذني. لو اذا من نوع ومحفوظ بحفز الله سبحانه وتعالى.

ومؤيد السمع والبصر وال بصيرة القلب ومسدد الخطى وتعامل مع الحق الولاية كاملة. طيب النوع الرابع من عطاءات الله للصالحين.

اللي هي احنا شايفينها في حياتنا ولكن المفروض ان احنا 00:22:20

احنا كمان عايزين ازيد اكتر بس لما نزود اكتر اللي هي عطاءات الكرامات. ان ربنا ييسر لك رزقك. انك تشتغل بطريقه غريبه وانت ما كانش ينفع اصلا تلاقي شغل في الوقت ده - 00:22:40

انك انت ربنا ييسر لك الشفاء من مرض بركتين. ان ربنا يرزق لك النجاح في شهادة بتيسيره وانت اصلا ما كنتش جاهز الجهازان ده.

ان ربنا يوسع عليك. ان ربنا يديك زوجة جميلة وطيبة وحنونة خدومة ومطيبة وبنات ناس ووفية انك انت دي اسمها ايه بقى؟

عطاءات الله - 00:22:50

العيد. يبقى اربع انواع في بلا اسباب في بلا حساب في الولاية الكاملة في عطاءات الله للصالحين. احنا فين يا جماعة من هذه المعاملات؟ فتعال نشووف سيدنا داود ربنا ادي له ايه بقى؟ ربنا ادي له ايه؟ قلنا داود ذكر اساسا قصته تلات مرات في القرآن. المرة الاولانية في سورة البقرة قصة طالوت وجالوت. المرة الثانية - 00:23:10

والثلاث مرات بعد البطولات انهار سير عطاءات. انا عايزك تجرب كده تقوم الليل او تصلي النفل المطلق بالنهاي النهاردة كده. ركعة ايات داود دايت كلها آآ تلات اربع ايات اصلا لو ضميت معها ايات سليمان في آآ في آآ في سبأ مش هتيجي خمس ايات. وفي صاد هي صفحة - 00:23:32

وفي آآ وفي البقرة صفحتين. تخيل الاربع صفحات دول لو انت عشت معهم الاربع تيام دول. عشت معهم في يا ابني سلم قلبك للقرآن. ولقد اتينا داود منا فضلا فضلتم اديتم كل حاجة في الجواز والفلوس والملك والحكمة والفصاحة والدين والدنيا يا جبال -

00:23:53

اوبي معه والطير. اوبي معه يا جبال وقوبي معه هو الطير. التأويب الترجيع بالصوت يسمع صوتها. يقشع له الحجب والتأويب ان تسير الابل من الفجر للمغرب. يعني قاعدة تسبح معه من فجر المغرب. وفيه قراءة عشرية يا جبال اوبي معها. اوبي اي كلما عاد الى التسبيح فعود - 00:24:13

يعني لما يوقف وقفي يعني مش معنی ان هو داود ان وهو نایم تسبحي لو نام نص ساعة قيلولة في النص وقف التسبيح. ما تسمعهوش حاجة. سبحي من غير ما يسمعك. ما - 00:24:35

سمعيهوش الا لو جهر بالتسبيح. واجتهد في التسبيح. ساعتها تسمعه. سيدنا داود كمان كان ربنا مش ادى له كده. ده ادى له اجمل صدفة تاريخ البشرية. مين اجمل وش في تاريخ البشرية؟ يوسف ومين اجمل صوت في تاريخ البشرية؟ داود يبقى مين اجمل كل حاجة في تاريخ البشرية؟ الصالحين - 00:24:48

يبقى ربنا اكتر عطاءات نزلت في الخزائن ربنا نزلت للصالحين. اصلا انا اكتر ناس بصرف عليهم في الدنيا من ولادي. طب اكتر ناس ربنا بيصرف عليهم في الكون مين عباده الصالحين مش بيل جيتيس وصاحب امازون وزكر بيرج ولا مش دول اكتر ناس ربنا اكتر ناس - 00:25:08

وحدوا وشهدوا بالتوحيد واقاموا دين الله ونصروا دين الله سبحانه وتعالى وعبدوا الله وذكروا الله بالعشى والاشراق. انعمل يا جبال اوبي بما هو والناله الحديـد. ان ربنا يلين لك كل حاجة في الحياة ويلين لك الصعب. ويلين لك القلوب الحجر - 00:25:28
قيد له الحبيب بحق وحقيقة. الحديـد المعدن. ويخلـيه مخـترع عـسكري. انعمل سـابـاغـات وـقـدرـ في السـرـدـ. الطـرـيقـةـ بـتـاعـةـ صـنـعـ الدـرـوـعـ
بـقـىـ نـتـكـلـمـ بـعـتـابـ بـعـدـ كـدـهـ وـاعـمـلـواـ صـالـحاـ. يـبـقـىـ رـبـنـاـ قـالـ لـهـ اـعـمـلـ صـالـحـاـ. وـبـعـدـ كـدـهـ اـعـمـلـ سـابـاغـاتـ وـقـدرـ في السـرـدـ وـاعـمـلـواـ صـلـاـةـ. الـاـيـةـ
ديـ فـيـهـ لـفـظـ اـعـمـلـ مـعـ الدـنـيـاـ - 00:25:48

اعمل سـابـاغـاتـ وـمـعـ الدـيـنـ اـعـمـلـواـ صـالـحاـ. ديـ مـنـ اـعـظـمـ الـاـيـاتـ فـيـ الشـمـولـيـةـ فـيـ الـقـرـآنـ. جـابـتـ الـعـمـلـ الدـنـيـوـيـ وـالـعـمـلـ الـدـيـنـيـ اـتـنـيـنـ باـمـرـ
منـ اللهـ لـنـبـيـ عـشـانـ ماـ يـبـقـاشـ عـنـدـكـ شـبـهـةـ. انـ شـغـلـكـ لـلـدـنـيـاـ ماـ دـامـ فـيـ سـبـيلـ اللهـ زـيـ شـغـلـكـ لـلـدـنـيـنـ. بـيـعـمـلـ صـبـغـاتـ قـالـ لـهـ هـوـ اـعـمـالـهـ اـيـهـ؟
وـاعـمـلـهـ صـالـحاـ لـيـهـ - 00:26:08

اوـعـىـ تـنـشـفـ بـالـفـتـحـ وـتـنـسـىـ سـبـبـ الفـتـحـ. ربـنـاـ فـتـحـ عـلـيـكـ بـسـبـبـ جـلـسـةـ الـذـكـرـ
الـلـيـ اـنـتـ رـحـتـ فـيـ مـكـانـ خـلـوـيـ وـقـعـدـتـ سـاعـتـيـنـ تـحـوـقـلـ اوـ سـاعـتـيـنـ تـحـسـبـنـ. اوـ سـاعـتـيـنـ تـسـبـحـ. ربـنـاـ فـتـحـ عـلـيـكـ
بـسـبـبـ ديـ. اوـعـىـ لـمـاـ يـفـتـحـ - 00:26:28
خدـ بالـكـ دـهـ دـهـ المشـكـلةـ كـمـانـ فـيـ الدـيـنـ سـاعـاتـ تـعـبـدـ قـوـيـ. يـقـومـ ربـنـاـ يـفـتـحـ عـلـيـكـ فـيـ الدـعـوـةـ اوـ طـلـبـ الـعـلـمـ. تـقـومـ يـتـهـيـأـ لـكـ اـنـ الدـعـوـةـ اوـ
طلـبـ الـعـلـمـ هـيـ وزـيـفـتـكـ. لاـ دـهـ دـيـ الفـتـحـ. اوـ 00:26:48

اوـعـىـ تـسـبـبـ العـبـادـةـ عـشـانـ ربـنـاـ يـكـمـلـ الـفـتـحـ. اوـعـىـ تـسـبـبـ العـبـادـةـ عـشـانـ ربـنـاـ يـكـمـلـ الـفـتـحـ. وـاعـمـلـواـ صـالـحاـ اـنـيـ بماـ تـعـمـلـونـ بـصـيـرـ. اـنـاـ
شـايـفـكـمـ اـنـتـمـ قـاعـدـيـنـ فـيـ جـلـسـةـ الضـحـىـ اـنـاـ شـايـفـكـمـ هـتـعـمـلـوـاـ بـعـدـ جـلـسـةـ الضـحـىـ جـلـسـةـ زـكـرـ وـلـاـ هـتـنـامـوـاـ؟ اـنـاـ شـايـفـكـمـ منـ الضـھـرـ لـلـعـصـرـ
هـتـعـمـلـوـاـ اـيـهـ؟ اـنـاـ شـايـفـكـمـ فـيـ قـيـامـ الـلـيـلـ وـفـيـ الصـيـامـ وـفـيـ كـلـ حاجـةـ - 00:26:58

المـرـةـ التـالـتـةـ الـلـيـ ذـكـرـ فـيـهـ دـاـوـوـدـ وـهـيـ بـرـضـوـ مـلـيـئـةـ بـالـعـطـاءـاتـ. وـهـيـ فـيـ سـوـرـةـ آـآـ صـادـ. فـيـ سـوـرـةـ صـادـ فـيـ قولـ اللهـ سـبـانـهـ وـتـعـالـىـ
اصـبـرـ عـلـىـ ماـ يـقـولـونـ وـاـذـكـرـ عـبـدـنـاـ دـاـوـوـدـ ذـاـ الـاـيـدـ اـنـهـ اوـابـ ذـاـ الـاـيـدـ يـاـ اـمـاـ اـزاـ الـاـيـدـيـ اـيـدـيـنـ كـتـيرـ بـقـىـ صـاحـبـ الـخـيـرـ وـالـاـيـادـيـ عـلـىـ الدـنـيـاـ
كـلـهاـ - 00:27:18

ياـ ماـ ذـاـ الـاـيـدـيـ صـاحـبـ الـقـوـةـ وـالـعـزـيمـةـ الـجـبـارـةـ اـنـهـ اوـابـ. عـشـانـ سـبـاتـ عـلـىـ اـورـادـ الـعـبـادـةـ ربـنـاـ اـدىـ لـهـ القـوـةـ. كـمـاـ قـالـ ابنـ تـيمـيـةـ مـنـ نـامـ
عـلـىـ التـسـبـيـحـ اوـتـيـ عـزـماـ كـمـاـ قـالـ تـعـالـىـ وـيـزـدـكـمـ قـوـةـ اـلـىـ قـوـتـكـمـ. يـبـقـىـ الـذـكـرـ بـيـدـيـ قـوـةـ. اـنـاـ سـخـرـنـاـ الجـبـالـ مـعـهـ. يـسـبـحـ - 00:27:39
وـالـاـشـرـاقـ مـعـهـ. سـخـرـنـاـ الجـبـالـةـ مـعـهـ لـيـهـ؟ لـانـ وـاـحـدـ لـوـحـدـهـ اـنـتـ قـاعـدـ دـلـوقـتـيـ فـيـ الـمـسـجـدـ نـاسـ كـتـيرـ حـوـالـيـكـ وـوـرـاكـ وـجـنـبـكـ قـاعـدـيـنـ
يـزـكـرـوـاـ ربـنـاـ مـعـهـ. فـانـتـ بـتـونـسـ. اـنـ تـخـيـلـ اـنـكـ قـاعـدـ لـوـحـدـكـ. ماـ فـيـشـ حـدـ مـعـكـ. فـربـنـاـ بـعـتـ لـهـ صـوتـ الـجـبـالـ وـالـطـيـرـ عـشـانـ يـقـولـ لـهـ اـنـتـ
مشـ لـوـحـدـكـ. لـمـاـ رـبـنـاـ يـرـيدـ اـنـهـ - 00:27:59

على عمل عزيز. اول ما بتعمل عمل عزيز اراده ربنا انه يسبتك عليه. فيبعث لك الکرامات فيه عشان يقول لك انا کده راضي عنك. فربنا بعث له اللي يثبته على السؤال. هو واحد قعد من المغرب من الفجر للمغرب يا جماعة. انت متخييل انت تعاملها؟ انا هيجي في صدري خمسين شبهة. طبعا - 00:28:19

کده ما نمتش. طب انا مش هاقدر. طب انا ورايا شغل. طب هو ده الصح بقى. طب دلوقتي بقى والبيت عايزنني! طب انا ورايا مشاوي. طب انا عايزة ربنا كريم. فربنا بعث له معجزة يسبته بها على هزا العمل. عشان ما عدش يسيبه مدى الحياة. انت كل اربع تيام مسلا بتقعد يوم الفجر المغرب - 00:28:39

هوريك في اليوم دقایة عشان تفضل طول العمر محافظ على اليوم ده. طب بالعشية والاشراق في الايام العادیة بتقعد؟ طب انا هوريك فيها اية عشان تفضل حافظ على العشيق والاشراق. فانت لما بتبعد ربنا بالذكر الله بيريك ايات عشان يثبتك سبحانه وتعالى. والطير محشورة. تخيل الف - 00:28:59

دول قاعدين يرفرفوا عليك وانت في جلسة الضحى كل له اواب وشدتنا ملك المفروض ان العبادة ما دام انت عابد ما لكش دعوة بها بالملك والسلطان. اول عطاء ربنا جابه بعدها ايه؟ الملك. كان ربنا بيقول لك - 00:29:19

المتدينين مش دراوشة. وال الحاجة اللي الناس فاكرة ان بتاع العبادة ما لوش فيها دي اول حاجة انا هاديها له. وشبابنا ملك. واتيناه الحكمة حكمة حكمة يا نهار ابیض وفصل الخطاب. وبعد کده يا داود انا جعلناك خليفة في الارض - 00:29:37

بيقول لك احد اربعة حكم الكرة الارضية. بعد کده ووهبنا لداود سليمان قال لك ده معطوف على الاعطاءات. يعني من ضمن الاعطاءات اللي مش ادي له اي ذرية. تخيل ابنك کده! تخيل - 00:29:56

ده الواحد يموت فيها دي من الفرحة. ان هو ينزل الفجر کده يلاقى ابنه قاعد يسبح ربنا من الفجر مسلا للساعة تسعة الصبح. وبعد کده ابنه قاعد في المسجد من العصر - 00:30:06

الواحد يموت من الفرح فيها دي. ان ايه ده انك وكمان ده مش زرية بس. ده سليمان. السالم المسلم لله سبحانه وتعالى اللي سلم لله سبحانه وتعالى امطر الله داود بالاعطاءات الباهرة. انا عايزةكم بازن الله سبحانه وتعالى آآآ تعيشوا مع التلات مواضع بتاعة سيدنا داود في - 00:30:16

في الاربع تيام اللي احنا هندي فيهم الدورة ان شاء الله الخميس الجمعة والسبت. والحد بازن الله عشان تستعدوا روحانيا وايمانيا لعشر ذي الحجة اسطورة الذكر باسم البشرية في ذكر الله باعبد البشر كما ثبت عن النبي صلی الله عليه وسلم حاجات كتير جدا عايز اكلمكم عنها ولكن واحدة واحدة - 00:30:36

ده کده بازن الله سبحانه وتعالى وهو داود عليه الصلاة والسلام. آآآ الطريق للاعطاءات ديت ان انت تسلك نفس الطريق. كذلك نجزي المحسنين انك تسلك نفس الطريق. طب ازاي ابقى امام يعني؟ انت دلوقتي مش بتشكلني على نوع جلسة ضحى. ده انت بتشكلني على التأويب وعلى العشي والاشراق وعلى صيام يوم - 00:30:56

ويوم انت ابقى ازاي امام؟ ربنا بيقول واذ ابتلى ابراهيم ربه بكلمات فاتمهن قال اني جاعلك للناس ااما. الكلمات دي اللي فيها مش هنقف معه هنقف مع القولين بس. فيه قول ان الكلمات دي سنن الفطرة. انك تقصد شنبك وتحلو وتنتف قبطك وتحلق العانة. وتغسل - 00:31:16

سنن الفطرة وتمسك السواك بس اه في قوله دي الامامة ده الطريق وفي قول تاني قال لك لا از ابتلى ابراهيم ربه بكلمات ان حط السكينة على رقبة ابنه انه يترمى في النار وما يخافش يقول حسبي الله. انه يسيب وطنه وبلده ويلف في الارض يدعو الى الله. انه ببني الكعبة انه - 00:31:36

هي دي الكلمات اللي ربنا ابتلى بها. القولين قول في الشرق وقول في الغرب. قول بيقول لك انك تمسك السواك تبقى امام وقول بيقول لك حط السكينة على رقبة ابنك - 00:31:56

واختتم بالقادوم وانت عندك تمانين سنة. عشان ربنا يرضي عنك ويخليلك امام. طب القولين يعلموك ايه؟ يعلموك ان سيدنا ابراهيم ما

لان للقمة دي واحدة لازم تبدأ بالسهل عشان توصل للصعب. ده قول صحيح وده قول صحيح بس هو تدرج. خد - 00:32:06
سهل تطلع للصعب. شعب الایمان بضع وسبعون شعبة. اعلاها ايه؟ لا الله الا الله. طب وادناها؟ اماطة الاذى عن الطريق انك انت تروح في في حته الارض الفاضية دي اللي الناس بترمي فيها الحاجات ديت وتقعد ساعة تنضف فيها. زي ما عملنا كده في اخر الاعتكاف قبل ما نمشي. الاسهل لا الله الا الله ولا انك تنضف حته الارض - 00:32:26

لا الله الا الله. طب واللعنة لا الله الا الله ولا نكترضها في حته الارض؟ اللعلى لا الله الا الله. يبقى الاعلى هي الاسهل. يبقى كل ما انت بتعلّى في الدين كل ما بتعرف - 00:32:46

ان الاسهل هو اللي يوصلك لربنا. عشان كده السيدة جوهرية تمن ساعات ونص زكر النبي قال لها في تلات دقائق حصلتك وسبقتك. بسبحان الله وبحمده عدد خلقه ورضا نفسه. وزنه - 00:32:56

كلماته فدي قضية خطيرة جدا. قضية ازاي توصل؟ توصل بالدرج. يبقى انت دلوقتي لما تقتص عشر ذي الحجة تقتصها صح. صح جلسة زكر اول اليوم ساعة على الاقل. جلسة زكر اخر اليوم ما بين العصر والمغرب ساعة على الاقل. جلسة زكر مسائية قبل النوم مسلا - 00:33:06

ساعة على الاقل تعرف يعني ايه زكر يا ابني. ما تخليش حاجة تعطلك عن هزا الامر. عايز جالس الرحمن بالذكر عشان ربنا يذيقك ما اعطاه للذاكرين. ويعطيك عروض الله للذاكرين. تقوم لما تدوق ما تسبش. مرة تانية دي فرصتك. فرصة جت والقطر واقف - 00:33:26

قادمك اووعي تضيعه. اووعي يعدي ويمشي من غير ما تعمل جلسات زكر كتير. والوقت التلات ايام اللي قبل عشر ذي الحجة اعمل جلسات جلسة ما تقلش عن ساعة. اقعد حوقل ساعة. جاحد اقعد سبح ساعة. اقعد استغفر ساعة. شف قلبك هيحصل فيه ايه. شف قلبك هيتنظر لفوق نطرة شكلها ايه. شف القفزة - 00:33:46

الايمانية اللي هتحصل لك في حياتك حينما تذكر الله سبحانه وتعالى. النهاردة وانا ماشي في الشارع كده ابص على اعلان كده الاقي صورة واحدة. فالواحد يغض بصره كده اقول بالتأكيد هتبقى حلوة جدا. حطوها في اعلان ليه؟ ماشي جنب فاترينة كده هدوم جميلة. اقول بالتأكيد الهدوم دي لو بصيت لها هيلاقيها جميلة جدا. قدام - 00:34:06

عربية طالعة قدام العربية اللي انا سايقها. عربية علامة المرسيدس. عربية جديدة اوبي. قلت العربية دي شكلها جامد اوبي. فقعدت اضحك. قلت فيه عروض الله وعروض الشيطان عارض لك البت الجميلة قوي اللي على الفيس او على اليوتيوب او على الاعلان او او وربنا عنده الاجمل منها في الدنيا. اووعي تفتكر ان انا بتتكلم عن - 00:34:26

دلوقتي ده في الدنيا بس لو عاملك بمعاملة ايه اسمها ايه؟ بلا حساب. لو انت ارتقيت انك عاملته بلا حساب فعاملك بلا حساب. ها انك انت انا قعدت بقى لي نص ساعة بذكر انا بقى لي بلا حساب بقى. يا جبال قومي بلا حساب. فربنا عامله بلا حساب. فانت تخيل انت بقى العربية يا عم - 00:34:46

ربنا يا عم انا لو عاملت ربنا صح مش هيحرمني من حاجة. مش هيحرمني. ربى مش هيحرمني. طب يبقى قصتي فين؟ مش ان انا اقعد ابص لعروض الشيطان اللي هتفوض ربنا علي وتصرفي عن ربنا وتفتنني. عند الله الاعلى في - 00:35:11
دنيا قبل الآخرة بس لو انا تعبت في الزكر. ولو انا تعبت في العبادة. فالواحد حس بايه؟ حس لاول مرة كده بقول الله لا تمدن عينيك بتبعص على ايه؟ هو ربنا عنده لحنة - 00:35:31

بكتير. بس انت ادفع التمن لربنا. ادفع التمن في الذكر والعبادة والتأنويل وقيام الليل والصيام والاتصال بالله وشف ربنا هيعمل لك ايه. بس ادفع التمن صح. التشكيل الوقتي على انك تبقى بطل. التشكيل الوقتي انك تبقى الملزم المنتزد. سيدنا داود القائد الرياني - 00:35:44

من المنتزد القائد اللي فتح فلسطين واقام الدولة قائد ربنا المنتزد. يبقى انا الوقتي لما بكلمك عن داود عشان تبقى انت الملزم المنتزد. يبقى انا الوقتي السلسلة دي مش لخالص ما لهاش دعوة بقى بان احنا كنا بنتكلم الدرس اللي فات ربع ساعة بعد الفجر وربع

ساعة قبل المغرب وربع ساعة قبل النوم ذكر لا لا انا بتكلم في السلسلة دي ناس تانية خالص - 00:36:04
 بكلم الجبابرة بتوع الزكر. كلم الابطال. بكلم الناس اللي عايزه تمشي على طريق القائد الرباني المنتزه داود ويبقى هو الملتم انتظر
 ويعامل باعلى معاملات الله في عطاءات الله للصالحين. اللهم اعنا على ذكرك وشكرك وحسن عبادتك. اللهم اهدنا - 00:36:24
 سددنا. اللهم افتح على السنتنا وقلوبنا في الدعوة اليك. اللهم اهد قلوبنا وسدد السنتنا. اللهم بلغنا عشر ذي الحجة. واجعلنا فيها من
 الفائزين المختفين المنبيين المفلحين. اللهم ايدنا بروح منك. اللهم اجعلنا 00:36:44
 من الذاكرين الشاكرين. رب اجعلنا لك ذكارين. لك شكارين. لك صوامين. لك رهابين. لك مطوعين اليك مختفين منبيين.
 اللهم اعنا على ذكرك وشكرك وحسن عبادتك. اللهم اعنا على ذكرك - 00:37:04
 وشكرك وحسن عبادتك. اللهم اعننا على ذكرك وشكرك وحسن عبادتك. اللهم امين اللهم امين. ان شاء الله بازن الله غدا مع الدرس
 الثاني من سلسلة داود عبد البشر بازن الله. وجزاكم الله خير - 00:37:24
 00:37:44 -